

Cârciunu Hâriosu !

Tinjisits sh-duruts Armânji !

Cu furnjia a Sârbâtoriloru Sâmti di Cârciunu, Cumândâsearea a Consillui Armânjiloru / MakedonArmânjiloru vâ uarâ unu Cârciunu Hâriosu, cu sânatati, ghineatsâ sh-prucukii, a voaua sh-a fumeiljloru a voasti.

Dumnidzâlu s-vâ vluyiseascâ fumeiljli, sotslji, soia sh-tuts atselji tsi lj-avets tu vreami!
Dumnidzâlu sâ spunâ Armânamiljei naua cali a vreamiljei sh-a puteariljei, s-lj-agiutâ Armânjilji durusinda-lâ arihati sh-njilâ aclo iu elji dukescu dureari, s-lâ duruseascâ pista aclo iu elji dukescu shubei, sh-cându au ananghi di tsiva s-lâ umplâ volea!

Tutu cu aestâ furnjii, Cumândâsearea a Consillui Armânjiloru hâristuseashti Armânjiloru tuts tsi, cu vreami sh-dukeari armâneascâ, ama sh-cu multu copusu, andrupârâ tuti activitâtsli di estanu tu cari Consillu Armânjiloru / MakedonArmânjiloru cilâstâsi trâ avigljeara axiiloru culturali a Armânjiloru, sh-maxusu trâ andrupâmintulu tsi-lu deadirâ la tuti andridzerli trâ Marea Adunari a Armânjiloru di estanu, tu Dzuua Pisimâ di Stâ-Mârii, Muscopuli – Arbinishii.

Marea Andamusi di Muscopuli, unâ Câmبانâ tsi cutrimburâ oahtili sh-pâdurli tsi anvârligheadzâ aestu „simbolu armânescu“, sculă boatsi tu numa Armânjiloru shi spusi limbidu câ, trâ prota oarâ, Armânjilji sâ spunu tu lumi mashi ca Armânji.

Turnarea di estanu a Armânjiloru Muscopuli u luyursimu ca unâ „*Anchisita Armânamiljei câtâ Yinitoru*“.

Consillu Armânjiloru / MakedonArmânjiloru
Biroulu di Cumândâseari

tu 24-li di Andreu 2010

(Bulitinu Infurmativu Nr.24)